

4. November

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 9, 3. december 2012-imeersumi nalikillilersuinernut maleru-agassat kingullermik allanngortinnerisigut aningaasaqarnikkut kingunerisassai pillugit kingusinnerpaamik UKA2016-imut atatillugu saqqummiunne-qartussamik nalunaarusiornissaannik Naalackersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut miki-nerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik aningaasaliiffigisaminnillu nalikillilersuisinnaanerat siunertaralugu aningaasatigut kingunerisat nalilersuiner-nik imaqartinneqassaaq.

(Inatsisartunut ilaasortaq Agathe Fontain, Inuit Ataqtigiit)

Inatsisartunut ilaasortap Agathe Fontain-ip aalajangiiffigisassatut siunnersuutaanut Siumumiit imaattumik oqaaseqassuugut.

Siumumiit siunertaarput akileraartarnikkut atugarissaarnikkullu aaqqissuusseqqinnissaq. Tamannalumi aamma naalackersuisooqatigiinnissami isumaqatigiissutitsinni takuneqarsinnaavoq. Tassa akileraartarnikkut naapertuilluartumik naligiissarineq nalimmassaanerlu suliarissallutigu siunniun-nikuugatsigu.

Akileraartarnerup ataatsimoortumik aaqqissussivigineqarnissaa siunniussimagaluarlutigu siunnersuuteqartup maluginiarsimassaa Siumumiit uaguttaaq maluginiarsimagatsigu oqaatigerusupparput.

Nalikilliliisarneq eqqarsaatigalugu siunertaasimagunangikkaluarpoq suliffeqarfiit mikinerit nalikillileeriaatsip allanngortinneqarneratigut eqqornerlunneqarnissaat. Ajoraluartumilli atuisunit oqaatigineqartarpoq allannguineq eqquinerluttoq. Ilaatigullu pigisanik nutarteriniarnerigaluanut ajoraluartumik kinguarsaataalersimasoq.

Siunnersuutip oqariartuutaa akerlilinngilarput, kisiannili akileraartarneq pillugu iluarsartuusseqqinnissaq eqqarsaatigalugu taamatuttaarlu siunnersuuteqartup paragraf 37 aqqutigalugu apeqquteqaataanut Naalackersuisup akissutigisimasaa innersuussutigerusupparput. Tassanittaaq immikkut nalikilliliisarneq pillugu misissuinissaq GE peqatigalugu ilanngukkumaneqarsimammat peqqusineq

qulaani pineqartoq aallartereersutut isigigatsigu siunnersuutip itigartinneqarnissaa Siumumiit inner-
suussutigaarput.

Jess Svane

Siumut